

BE.78. ULU NA SAP MUDAR (C=1)

=====

B.E. No. 78. O ULU NA SAP MUDAR

1. O ulu na sap mudar Binaen ni bugangMi Na sian jangarjangan Sisungsang duri i
O ulu hatongamon Hian do tumpalMi Ditaon Ho haleaon Ho naeng sombaonki?
2. O bohi parsinondang Na sangap situtu Beasa tung marlangan Sap ijur hurumMu ?
Tung aha ma alana Umbaen homur mataM ? Na mintop do sondangna Di na lao tos hosaM
3. Au on tama o Tuhan, manaon na tinaonMi. Dosangku di diporsan Ho na tarsilang i
Sai tatap ale Tuhan, au na dijoloMon. Huhut sai patuduhon, basaM tu rohangkon.
4. Ai Ho do Siparmahan, au pinarmahanMi. Sai Ho do haroroan ni hatuaonki
Sai Ho do haolhaolonku, marningot bugangMi Sai Ho do tioponku, marningot mudarMi.
5. Las situtu rohangku Huhut mansai sonang Marningot pangkophopMu Di ahu nahinan
Ndang be huhabiari Nuaning dosangki Tung mate au saonari Martua au disi.
6. Mandok mauiate Do rohangkon nuaeng Di Ho nang olo mate Ai sonang au dibaen
MudarMu i na durus Nang angguhanggukMi Sai jalo au , o Jesus Dihamamatengki .
7. Di na tadingkononku Sude di tano on Disi ale Tuhanku Dapothon ma au on
Di na ponjot rohangku Manostos hosangki Sai jangkon ma tondingku Marhite mudarMi
8. Ho ma pangondinganku Siapul rohangki Di na lao tos hosangku Di hamamatengki
Disi ma ingotonku Sude na tinaonMi Na timbul do tuangku Lao mate songon i.